

Magnitudo *Sap. cylindricæ*, statura omnino & affinitas præcedentium. Caput totum nigrum subtiliter punctulatum pube tenui albida obsitum. Oculi emarginati, sed haud divisi. Antennæ basi nigræ — (in nostr. defectæ.) Thorax flavo-testaceus, certisitu subsericeus, carinula dorsali obsoleta, haud punctatus; scutellum breve concolor. Elytra ad basin thorace multo latiora, illoque triplo longiora posterius angustata, dorso plana, punctato-striata, lateribus deflexis, costa sat determinata ab humero incipiente usque ad apicem bidentatum producta, testacea, costa margineque posterius nigris, apice infuscato. Corpus subtus flavo-testaceum læve, sericeum, ano nigricante. Pedes corpori concolores tibiis posticis nigro-fuscis.

Obs. *Sap. japonica Thunb.* secundum descriptionem perbreve huic affinis videtur; figura vero non placet.

D A L M.

257) *SAPERDA PRÆTEXTATA*: nigra, thorace brevi, medio luteo, punctis duobus nitidis nigris, elytris luteis, plaga suturali lata punctisque duobus humeri nigris.

Habitat in Tauriæ graminosis in valle Sudak primo vere haud infrequens.

Statura & magnitudo *S. Lineolæ*, sæpe etiam paullo major. Caput nigrum punctulatum, griseo-pubescentis, lineola media impressa, antennis longitudine corporis concoloribus. Thorax transversus parum convexus, pube longiori, sed vix punctatus; discus luteus punctis duobus nitidissimis nigris. Scutellum parvum nigrum pallido-pubescentis. Elytra basi thorace latiora, postice angustiora, apice oblique retusa, supra plana, lateribus reflexa, punctata, pube brevissima grisescente; lutea, sutura fere ad apicem usque late nigra, puncto nigro in ipso humero alteroque paullo infra juxta marginem. Totum corpus subtus nigrum, cinereo-pubescentis. Tibiæ mediæ ut in pluribus congeneribus leviter excisæ.

S T E V E N.

258) *SAPERDA LEUCASPIS*: thorace sub-cylindrico, cyanea, punctatissima, pectore utrinque maculis tribus scutelloque albis.

Habitat in Caucaso cisalpino.

Statura *S. violacæ* & magnitudine variat sicut hæc. Frons admodum deflexa, linea media impressa, pube